



Broj: T18 0 KТРО 0017886 26
Brčko, 23.6.2026. godine

Optužnica potvrđena dana: 24.06.2026. godine

Na osnovu člana 35 stav (2) tačka i) i člana 226 stav (1) Zakona o krivičnom postupku Brčko distrikta BiH, podižem:

ОПТУЖНИЦУ

Protiv:

A. N., rođena 1983. godine u Brčkom,

Što je:

U vremenskom periodu od 1.1.2024. godine do dana 15.1.2025. godine, u Brčko distriktu BiH, kao službeno lice u Brčko distriktu BiH, privremeno premješteno na radno mjesto Viši stručni saradnik za ekonomske poslove - asistent u Odjeljenju za komunalne poslove Vlade Brčko distrikta BiH, Pododjeljenje za kapitalne investicije, na osnovu Rješenja o privremenom premještaju broj ... od dana 29.12.2023. godine, svjesna radnje koju preduzima, u službenu ispravu - evidenciju o ostvarenim satima tzv. šihtericu, za mjesec januar 2024. godine, februar 2024. godine, mart 2024. godine, april 2024. godine, maj 2024. godine, jun 2024. godine, jul 2024. godine, avgust 2024. godine, septembar 2024. godine, oktobar 2024. godine, novembar 2024. godine, decembar 2024. godine i januar 2025. godine, unijela neistinite podatke o svom prisustvu na poslu i redovnom radu na navedenom radnom mjestu, na način da je prikazala da je radne sate ostvarila radeći u Odjeljenju za komunalne poslove, te je iste ovjerila svojim potpisom i takve neistinite isprave upotrijebila u službi, što je i htjela, tako što ih je kao istinite dostavila nadležnom organu, na osnovu čega su joj isplaćivane plate i drugi dodaci koji odgovaraju radnom mjestu na koje je privremeno premještena, iako svjesna da te radne sate u navedenom odjeljenju nikada nije ostvarila, niti je obavljala poslove koji su u opisu tog radnog mjesta, niti je radila pod neposrednim rukovodstvom šefa pododjeljenja, jer je i nakon privremenog premještaja i dalje boravila u Kancelariji gradonačelnika, obavljajući poslove koji nisu u opisu poslova radnog mjesta i odgovornosti određenih Odlukom o izmjenama i dopunama Organizacionog plana Odjeljenja za komunalne poslove za radno mjesto Viši stručni saradnik za ekonomske poslove – asistent,

dakle, kao službeno lice u Brčko distriktu BiH u službenu ispravu unijela neistinite podatke i svojim potpisom ovjerila službenu ispravu s neistinitim sadržajem, a zatim neistinitu službenu ispravu upotrijebila u službi kao da je istinita,

čime je učinila krivično djelo - Krivotvorenje službene isprave -iz člana 383 stav (2)
u vezi sa stavom (1) Krivičnog zakona Brčko distrikta BiH,

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.****
